



განათლების ხარისხის განვითარების ეროვნული ცენტრი  
NATIONAL CENTER FOR EDUCATIONAL QUALITY ENHANCEMENT

2023

პროფესიული მომზადებისა  
და პროფესიული  
გადამზადების პროგრამების  
ელექტრონულ სისტემაში  
რეგისტრაციის გზამკვლევი  
ავტორიზებული  
საგანმანათლებლო  
დაწესებულებებისთვის

პროფესიული განათლების ხარისხის უზრუნველყოფის  
სამსახური

პროფესიული მომზადების/პროფესიული გადამზადების  
პროგრამის განხორციელების მიზანს წარმოადგენს  
ფორმალური განათლების ფარგლებში შესაბამისი  
საქმიანობის განხორციელება და სახელმწიფოს მიერ  
აღიარებული პროფესიული განათლების  
დამადასტურებელი დოკუმენტის-სერტიფიკატის გაცემა.





ზოგადსაგანმანათლებლო/პროფესიული საგანმანათლებლო/უმადლესი საგანმანათლებლო დაწესებულება უფლებამოსილია, დამატებითი უფლების მოპოვების გარეშე განხორციელოს პროფესიული მომზადების პროგრამა ან/და პროფესიული გადამზადების პროგრამა იმ პროფესიული საგანმანათლებლო პროგრამის ფარგლებში, რომლის განხორციელების უფლებაც მას ავტორიზაციის შედეგად აქვს მოპოვებული.

ამისთვის თქვენ უნდა გაიაროთ შემდეგი ეტაპები

I ეტაპი



ელექტრონული განაცხადის გაკეთება  
ელექტრონული განაცხადი კეთდება  
ელექტრონული სისტემის მეშვეობით

პროგრამა ცალკე პროგრამად განიხილება, თუ საგანმანათლებლო დაწესებულება, ითხოვს იმ პროფესიული მომზადების/პროფესიული გადამზადების პროგრამის განხორციელების უფლების მოპოვებას სხვა მუნიციპალიტეტში ან იმისგან განსახვავებულ ენაზე, რომლის განხორციელების უფლებაც უკვე აქვს მოპოვებული.



## განაცხადი უნდა შეიცავდეს:

- იურიდიული პირის სახელწოდებასა და სამართლებრივ ფორმას;
  - იურიდიული პირის საიდენტიფიკაციო კოდს;
  - იურიდიული პირის მისამართსა (იურიდიული და ფაქტობრივი) და საკონტაქტო ინფორმაციას (ტელეფონის ნომერი და ელფოსტის მისამართი);
  - პროფესიული მომზადების/პროფესიული გადამზადების პროგრამის სახელწოდებასა (ქართულ და ინგლისურ ენებზე) და პროგრამის სახეს (პროფესიული მომზადების პროგრამა ან პროფესიული გადამზადების პროგრამა);
- პროფესიული მომზადების/პროფესიული გადამზადების პროგრამის ელექტრონულ ფორმას, რომელზეც შესრულებულია კვალიფიციური ელექტრონული ხელმოწერა/კვალიფიციური ელექტრონული შტამპი;

პროგრამის ელექტრონული ფორმა იხილეთ შემდეგ ბმულზე- <https://eqe.ge/ka/page/static/777/formebi>

- პროფესიული მომზადების/პროფესიული გადამზადების პროგრამის განხორციელების ადგილს;
- მსმენელთა რაოდენობას (მოთხოვნილი რაოდენობის დასაბუთებით);
- შესაბამისი სახელმწიფო დარგობრივი მარეგულირებელი უწყების/ორგანოს პოზიციას პროფესიული მომზადების პროგრამის/პროფესიული გადამზადების პროგრამის თაობაზე, იმ შემთხვევაში, თუ დადგენილია გარკვეული რეგულაციები დარგობრივი უწყების მიერ;
- დანართის სახით საფასურის გადახდის დამადასტურებელ დოკუმენტს. საფასური განისაზღვრება სამინისტროს მიერ;
- საქართველოს განათლების, მეცნიერების, კულტურისა და სპორტის მინისტრის 2019 წლის 10 აპრილის №69/ნ ბრძანებით დამტკიცებული „სწავლის სფეროების კლასიფიკატორით“ გათვალისწინებულ სწავლის სფეროს ვიწრო სფეროს კოდს.
- ელექტრონული განაცხადი შეიცავს ინფორმაციას იმ პროფესიული საგანმანათლებლო პროგრამის შესახებ (პროგრამის სახელწოდება, მოდული სახელწოდება და საიდენტიფიკაციო კოდი, სწავლის შედეგის დასახელება და რიგითი ნომერი), რომლის ფარგლებშიც ხორციელდება პროფესიული მომზადების/პროფესიული გადამზადების პროგრამა.

### განაცხადს უნდა დაერთოს საფასურის გადახდის დამადასტურებელი დოკუმენტი

პროგრამის დამატების საფასური თითოეული პროგრამისთვის შეადგენს 175 ლარს. ცენტრის მიერ პროგრამის ელექტრონულ სისტემაში რეგისტრაციაზე უარის თქმის შემთხვევაში აღნიშნული თანხა უკან არ ბრუნდება.

ინფორმაცია საფასურის განსაზღვრის თაობაზე იხილეთ შემდეგ ბმულზე: <https://eqe.ge/ka/contact>



## II ეტაპი

ცენტრი 3 სამუშაო დღის ვადაში ამოწმებს განაცხადისა და მასზე თანდართული დოკუმენტაციის შესაბამისობას.

შეუსაბამობის შემთხვევაში ცენტრი განმცხადებელს განუსაზღვრავს **არანაკლებ 5 და არაუმეტეს 15 სამუშაო დღის ვადას** ხარვეზის გამოსასწორებლად.

ხარვეზის გამოსწორების შემთხვევაში, ადმინისტრაციული წარმოება გრძელდება, ხოლო ამავე ვადაში ხარვეზის გამოუსწორებლობის შემთხვევაში, განაცხადი დარჩება განუხილველი, რის შესახებაც ეცნობება საგანმანათლებლო დაწესებულებას.



## III ეტაპი

ცენტრი აფასებს თქვენს მიერ წარდგენილ პროგრამას შემდეგი მოთხოვნების დაცვით:

ა) მოწმდება პროფესიული მომზადების/პროფესიული გადამზადების პროგრამის შესაბამისობა სამინისტროს მიერ დამტკიცებულ „პროფესიული მომზადებისა და პროფესიული გადამზადების პროგრამის შემუშავებისა და დამტკიცების წესთან“

აღნიშნული წესი იხილეთ შემდეგ ბმულზე: <https://eqe.ge/geo/static/771//>

ბ) მოწმდება პროფესიული მომზადების/პროფესიული გადამზადების პროგრამის შესაბამისობა იმ ავტორიზებულ პროფესიულ საგანმანათლებლო პროგრამასთან, რომლის ფარგლებშიც შემუშავებულია პროგრამა;

გ) განისაზღვრება ეროვნული კვალიფიკაციების ჩარჩოს დონესთან შესაბამისობა.

*კვალიფიკაციების ჩარჩოს დონესთან შესაბამისობის დადგენის მეთოდოლოგია იხილეთ შემდეგ ბმულზე: <https://eqe.ge/ka/page/static/771/samartlebrivi-aktebi>*

ცენტრი უფლებამოსილია, დასაბუთებული გადაწყვეტილების საფუძველზე განახორციელოს პროფესიული მომზადების/პროფესიული გადამზადების პროგრამით განსაზღვრული ეროვნული კვალიფიკაციების ჩარჩოს დონის ცვლილება მე-2 – მე-5 დონის ფარგლებში, რაც აისახება დირექტორის მიერ გამოცემულ ინდივიდუალურ ადმინისტრაციულ-სამართლებრივ აქტში.



## IV ეტაპი

თქვენს მიერ ელექტრონულ სისტემაში წარდგენილი განაცხადისა და დოკუმენტაციის შესწავლის შემდეგ, ცენტრი განაცხადის **წარდგენიდან 30 სამუშაო დღის ვადაში** გამოსცემს ინდივიდუალურ ადმინისტრაციულ-სამართლებრივ აქტს პროფესიული მომზადების/პროფესიული გადამზადების პროგრამის ელექტრონულ სისტემაში რეგისტრაციის ან რეგისტრაციაზე უარის თქმის თაობაზე.



საგანმანათლებლო დაწესებულება უფლებამოსილია, განახორციელოს პროფესიული მომზადების/პროფესიული გადამზადების პროგრამა 3 წლის ვადით.

თუ საგანმანათლებლო დაწესებულება ამ 3 წლის განმავლობაში, **უწყვეტ რეჟიმში**, საქართველოს კანონმდებლობით დადგენილი წესით, უზრუნველყოფს პროფესიული საგანმანათლებლო პროგრამის განხორციელებას, იგი უფლებამოსილია, შეუფერხებლად განახორციელოს შესაბამისი პროფესიული მომზადების/პროფესიული გადამზადების პროგრამაც.



გთხოვთ,  
გაითვალისწინოთ



საგანმანათლებლო დაწესებულება არ არის უფლებამოსილი, განხორციელოს პროფესიული მომზადების/პროფესიული გადამზადების პროგრამა, თუკი საგანმანათლებლო დაწესებულებამ დაკარგა იმ პროფესიული საგანმანათლებლო პროგრამის განხორციელების უფლება, რომლის ფარგლებშიც ხორციელდება პროფესიული მომზადების/ პროფესიული გადამზადების პროგრამა

პროფესიულ საგანმანათლებლო პროგრამაში სწავლის შედეგების ცვლილების განხორციელების შემთხვევაში, საგანმანათლებლო დაწესებულება ვალდებულია, მსმენელთა ახალი მიღების გამოცხადებამდე ცენტრს წარუდგინოს შეცვლილი პროფესიული მომზადების/პროფესიული გადამზადების პროგრამა

ცენტრი განიხილავს შეცვლილ პროფესიული მომზადების/პროფესიული გადამზადების პროგრამას, ადგენს მის შესაბამისობას პროფესიულ საგანმანათლებლო პროგრამასთან, რომლის განხორციელების უფლებაც მოპოვებული აქვს საგანმანათლებლო დაწესებულებას და იღებს გადაწყვეტილებას შეცვლილი პროგრამის ელექტრონულ სისტემაში ასახვის ან მისი ამოღების შესახებ

სტანდარტების შესრულების შემოწმების მიზნით, ცენტრი უფლებამოსილია, გამოითხოვოს თქვენგან შესაბამისი დოკუმენტაცია/ინფორმაცია და/ან გამოსცეს ინდივიდუალური ადმინისტრაციულ-სამართლებრივი აქტი ექსპერტის/ექსპერტთა ჯგუფის მიერ მონიტორინგის ვიზიტის (სამართლებრივი აქტი მონიტორინგის ვიზიტის შესახებ იურიდიულ პირს წარედგინება უშუალოდ ვიზიტის დაწყების წინ) განხორციელების შესახებ

იმ შემთხვევაში, თუ საგანმანათლებლო დაწესებულებას სურს ისეთი პროფესიული მომზადების/გადამზადების პროგრამის განხორციელება, რომელზეც არ აქვს ავტორიზებული შესაბამისი პროგრამა, მასაც მოუწევს გაიაროს პროცედურები პროგრამის განხორციელების უფლების მოპოვების გზით.

იხილეთ გზამკვლევი იურიდიული პირებისთვის- <https://eqe.ge/geo/static/779//>






**შენიშვნა:** წინამდებარე ინფორმაცია მომზადებულია 2023 წლის 10 ივნისის მდგომარეობით არსებული კანონმდებლობის საფუძველზე და არ წარმოადგენს საკანონმდებლო ან ინდივიდუალურ სამართლებრივ აქტს და მხოლოდ საკონსულტაციო ფუნქციას ასრულებს

თავსებადობის ცხრილი

<b>დაწესებულების საიდენტიფიკაციო კოდი:</b>	
<b>დაწესებულების დასახელება</b>	
<b>კოლეჯის ტიპი</b>	საგანმანათლებლო
<b>ავტორიზაციის ვადის გასვლის თარიღი</b>	
პროგრამის თავსებადობა პროფესიულ საგანმანათლებლო პროგრამასთან	
პროფესიული საგანმანათლებლო პროგრამის სახელწოდება, რომლის ფარგლებშიც შემუშავებულია პროფესიული მომზადების/პროფესიული გადამზადების პროგრამა - .....	
<b>მოდულის სახელწოდება და საიდენტიფიკაციო კოდი</b>	<b>სწავლის შედეგის დასახელება და რიგითი ნომერი</b>

პროფესიული მომზადება/პროფესიული გადამზადების პროგრამის/პროგრამების უფლების მოპოვების პროცესი სქემატურად



სსიპ განათლების ხარისხის განვითარების ეროვნული ცენტრი

პროგრამის რეგისტრაციის მსურველი საგანმანათლებლო დაწესებულება